

善本方志輯·第一編

中國地方志集成

嘉靖孟縣志

乾隆崞縣志續編

天啓潞城縣志

中國地方志集成

善本方志輯·第一編 ①8

嘉靖孟縣志

乾隆崞縣志續編

天啓潞城縣志

鳳凰出版社●上海書店●巴蜀書社

圖書在版編目（C I P）數據

中國地方志集成·善本方志輯·第一編 / 鳳凰出版社
編. — 南京：鳳凰出版社，2014.5
ISBN 978-7-5506-1218-1

I. ①中… II. ①鳳… III. ①中國—地方志 IV.
①K29

中國版本圖書館CIP數據核字(2014)第101386號

中國地方志集成·善本方志輯·第一編


著 作 者	本 社 編選
責 任 編 輯	王愛榮 吳 瓊
封 面 設 計	范一辛 姜 嵩
出 版 發 行	鳳凰出版傳媒股份有限公司 鳳凰出版社(原江蘇古籍出版社) 發行部電話025-83223462
出版社地址	南京市中央路165號,郵編:210009
出版社網址	http://www.fhcbs.com
經 銷	鳳凰出版傳媒股份有限公司
印 刷	金壇市古籍印刷廠有限公司 江蘇省金壇市晨風路186號,郵編:213200
開 本	787×1092毫米 1/16
印 張	3420.5
版 次	2014年5月第1版 2014年5月第1次印刷
標 準 書 號	ISBN 978-7-5506-1218-1
定 價	44500.00圓(全七十八冊)

(本書凡印裝錯誤可向承印廠調換,電話:0519-82338389)

嘉靖孟縣志

(明)

萬鑑
張淑譽
纂修



年（一五五一）刊刻，現據鈔本影印。

目 錄

嘉靖孟縣志·····	〇〇一
乾隆崞縣志續編·····	五九七
天啓潞城縣志·····	六四一

孟縣志序

嘉靖三十年辛亥之秋予蒞茲土三
載矣適遇檄取縣志詢之邑庠僉曰
久矣夫孟之缺典也昔者張淑譽氏
嘗志於此矣考古昭今積更歲月彙
編成帙上自天文地理之精微下及
山川斥候之險易大而人物伎術仙
釋墳衍微而花卉鳥獸幽恠祥異無

不備錄而謹書焉其目六十有七目
各有序分爲八類綱以統乎目目以
隸乎綱山泉先生重其包羅象數進
退古今歆銓諸梓以遷職故不果方
今當道屢檄柰未有以義爲舉者余
之乃禮求而檢閱焉遂喟然嘆曰
矣哉張子之用心矣乎蓋氣之懦
於勢而不敢爲心之奸者循乎

是志也方覈而不正而不詭法乎
古而無鑿考諸裏而無乖渾而辨詳
而約屬辭比事而不亂古人所謂五
患者或可免矣夫或可免矣夫是爲
叙

嘉靖三十年八月望日知孟縣事上谷萬鑑

孟縣志凡例

總論

或問孟縣志淑譽應之曰古者列國必有史而天子之小史外史掌之今考魯之春秋所書田賦兵車禮樂會盟征伐祭祀喪葬災異之屬是也天子出狩則令太史陳詩以觀民風而列國亦各采風以貢於天子故歌其詩而其民之習尚强弱勞佚疾苦居然可見古者省方問俗之

義凡以為民若此而後世郡縣之志特詳其城
邑津梁公宇鄉鎮之瑣細與夫浮屠老氏之宮
遊人騷客之詩詞勢家巨族之榮名誥封至於
田賦所以係生民之休戚風俗所以繫閭里之
習古之宦遊及其鄉先生之嘉言善行與夫
之兵革治亂及其天災流行之大或逸而不書
或書而不詳 學士大夫無以考見焉予甚
之孔子不云乎文武之道在人或識其大者或

識其小者予非能志其大者也上竊孔子之意而下揣古列國之史之法謹擇其綱紀要切民利害者識之郡縣有司及夫采風者之至或括而考之則于地方利病庶亦小補矣若其細者則閎畧尚多予不能無罪姑以俟世之君子覽覩而折衷焉

一縣舊無志所書事實悉本之史傳通志通考與夫百家諸子之書兼考之壁題名刻鍾簠以及

故老平日言之可據者否則寧闕之而不敢妄
書志以卷列事以類分大書者提其綱分註者
詳其目條下或附語意者裨治理也

一作志次序微有所主蓋人之有生非土莫克自
立故初一日輿地土辯矣非宮室無以爲縣故
次之曰宮室縣置矣於是乎因田定賦設官分
職故次三曰食貨次四曰職官上下定矣於是
乎鍾奇毓秀 舉賢能 五曰人物次六曰選

舉 賢既彰 是乎博學能文故次八曰藝文焉
一田土貢賦詳載 處文移於附錄之下者田土
民之所急貢賦國之所需欲人得有所考而弗
敢弊焉耳

一職官必其才政卓異膾炙人口去後見思者書
入名宦其次仕宦其次污吏闔縣士民之公是
公非孰能掩哉孰敢私哉

一人物必先儒林者崇正道也其次曰忠烈曰節

義曰孝弟曰文政曰文苑曰武績曰隱逸曰鄉
望曰尚義曰宦籍曰女德曰流寓曰伎術曰仙
釋莫不各有取義矣至於近時人物不敢妄加
詳品而於科目之下具載所歷之事以俟后之
君子續而脩焉蓋公論百年而後定也

一科貢之士於其出身名下如見任者註曰任某
官歷遷而休者仕某官其有入別類者註曰詳
某類其不仕
廢處者不復加註
須次
禁

者虛以俟之

一忠孝節義曾經旌表者無間存沒書之其未
經旌表而行迹顯著者亦書之以俟奏聞

一寺觀廟宇祇存祝延聖壽之所其他可供騷客
詩人之遊眺者亦姑存之

一縣志前代無考每遇纂脩採錄既不能述
舊聞往往徇私謬舉是以忘其鄙陋廣其見聞
精審而後書之若夫体要詳備尚有望於博雅